

15 марта 2026.

Неделя 3-я Великого поста, Крестопоклонная.

Великая Вечерня (приходская)

Стихиры на «Господи, воззвах» (сокращенно, на 6)

Канонарх: Глас 7, Гóсподи, воззва́х к Тебе́, услы́ши мя.

Лик: Гóсподи, воззва́х к Тебе́, услы́ши мя.// Услы́ши мя, Гóсподи.

Гóсподи, воззва́х к Тебе́, услы́ши мя:/ вонми́ гласу́ моле́ния моего́,/ внегда́ воззва́ти ми к Тебе́.// Услы́ши мя, Гóсподи.

Да испра́вится моли́тва моя́,/ я́ко кади́ло пред Тобо́ю,/ воздея́ние руку́ мое́ю/ же́ртва вече́рняя.// Услы́ши мя, Гóсподи.

На 10, стих: Изведи́ из темни́цы ду́шу мою́,/ испове́датися и́мени Твоему́.

Сти́х: Мене́ ждут пра́ведницы/ дóндеже возда́си Мне.

На 8, сти́х: Из глуби́ны воззва́х к Тебе́ Гóсподи,/ Гóсподи, услы́ши глас мой.

Сти́х: Да бу́дут у́ши Твои́/ внемлю́ще гласу́ моле́ния моего́.

Октоих, глас 7, Неделя на 3

На 6, сти́х: А́ще безако́ния на́зриши, Гóсподи, Гóсподи, кто постои́т? /

Я́ко у Тебе́ очище́ние есть.

Прииди́те, возра́дуемся Го́сподеви,/ сокруши́вшему сме́рти держа́ву,/ и просвети́вшему челове́ческий ро́д,/ со безплóтными зову́ще:// Соде́телю и Спа́се на́ш, сла́ва Тебе́.

Сти́х: И́мене ра́ди Твоего́ потерпе́х Тя, Гóсподи, потерпе́ душа́ моя́ в сло́во Твое́,/

упова́ душа́ моя́ на Го́спода.

Крѣст претерпѣл еси́, Спа́се,/ и погребѣние на́с ра́ди,/ смѣр-
тию же ꙗ́ко Бѡг смѣрть умертвѣл еси́./ Тѣмже покланя́емся
триднѣвному Воскресѣнию Твоему́:// Го́споди, сла́ва Тебе́.

На 4. Стѣх: От стра́жи у́тренняя до но́щи, от стра́жи у́тренняя,/
да упова́ет Изра́иль на Го́спода.

Апо́столи ви́девши воскресѣние Содѣтеля, чудя́хуся,/ по-
юще хвалу́ а́нгельскую:/ сия́ сла́ва е́сть церко́вная,/ сие́ бо-
га́тство Ца́рствія:// пострада́вый на́с ра́ди, Го́споди, сла́ва
Тебе́.

Недели Крестопоклонной на 3, глас 5

Глас 5. Стѣх: Я́ко у Го́спода ми́лость, и мно́гое у Него́ избавлѣние, /
и То́й изба́вит Изра́иля от всѣ́х беззако́ний его́.

Возсия́й, Госпо́день Крѣсте,/ светолу́чныя мо́лния твоея́
благода́ти,/ в сердца́ чтущих тя,/ и Богоприятною любѡ́вию
приѣмлющих, мировождѣленне,/ ѡ́мже слѣзное потребѣ́ся
се́тование,/ и смѣртных се́тей изба́вихомся,/ и к при́сному
весѣ́лию приидѡ́хом./ Покажи́ красото́у твоея́ благоле́пие,/
возда́ние пода́ждь воздержа́ния рабо́м твоѣ́м,/ ве́рно про-
ся́щим твоѡ́ богато́е заступлѣ́ние,// и ве́лию ми́лость.

Стѣх: Хвалѣ́те Го́спода всѣ́ язы́цы, /
похвалѣ́те Его́ всѣ́ лю́дие.

Ра́дуйся, живонѡ́сный Крѣсте,/ Це́ркве кра́сный раю́,/ дре́во
нетлѣ́ния, прозя́бшее нам/ ве́чныя сла́вы наслаждѣ́ние:/ ѡ́м-
же бесѡ́встии отгоня́ются полцѣ́и,/ и а́нгельстии свеселя́тся
чи́нове,/ и совокуплѣ́ния ве́рных пра́зднуют./ Ору́жие непо-

бедимое,/ утверждение нерушимое, верных победо,/ священников похвало,/ Христовы ныне страсти и нам подаждь достигнути,// и велию милость.

Стѹх: Яко утвердїся милость Его на нас, /
и истина Господня пребывает во век.

Радуйся, живоносный Кресте,/ благочестия непобедимая
победа,/ дверь райская, верных утверждение,/ Церкви огра-
ждение,/ имже тля разорїся и упразднїся,/ и попрося смерт-
ная держава,/ и вознесохомся от земли к небесным,/ оружье
непобедимое, бесов сопротивоборче,/ славо мучеников,/ пре-
подобных яко воистинну удобрение,/ пристанище спа-
сения,// даруяй миру велию милость.

Канонарх: Слава, глас 3.

Слава Отцѹ, и Сыну, и Святому Дѹху.

Христѣ Божѣ наш,/ вольное распятие во общее воскресение
рода человеческого восприимый,/ и тростию Креста, оба-
грением червленым Своѣ персты окровавивый,/ остави-
тельная нам царски подписати человеколюбовствовавший,/ не
презри нас, бедствующих, и паки от Тебѣ разстояние,/ но
ущедри, еди́не долготерпели́ве, во обстоя́нии лю́ди Твоѣя,//
и востани, побори борю́щия ны, яко всесїлен.

Канонарх: И ныне, глас 4.

И ныне, и присно, и во веки веков. Аминь.

Мати убо позналася еси,/ паче естества, Богородице,/ пре-
была же еси Дева,/ паче слова и разума,/ и чудесе Рожде-

ствá Твоегó сказáти язýк не мóжет./ Преслáвну бо сýщу за-
чáтию, Чíстая,/ непостíжен есть óбраз рождéния,/ идéже бо
хóщет Бог, побеждáется естества́ чин./ Тёмже, Тя вси
Мáтерь Бóжию вéдуще,/ мóлим ти ся прилéжно:// моли́ спа-
стíся душáм нáшим.

Стихиры на литии

Стихира храма

Слава и ныне, глас 5. Слáва Отцý, и Сýну, и Святóму Дýху.

И нýне, и прíсно, и во вéки векóв. Амíнь.

Зрýщи Тя тварь вся на Крестé нáга вíсяща,/ Содéтеля и Зи-
ждíтеля всех,/ изменя́шеся стра́хом, и рыдáше;/ сóлнце же
свет омрачí,/ и земл́я колебáшеся, кáмение же разседáше-
ся,/ и хрáма свéтлость раздирáшеся./ Мёртвии востáша от
гробóв,/ и áнгельския сíлы ужасóшася, глагóлюще:/ о чуде-
сé! Судия сýдится,// и стра́ждет хотя́ за спасéние мíра, и об-
новлéние.

Стихиры на стиховне

Канонарх: Глас 7. Воскрéсл есí из грóба, Спáсе мíра.

Воскрéсл есí из грóба, Спáсе мíра,/ и совоздвígл есí чело-
вéки с плóтию Твоею:// Гóсподи, слáва Тебé.

Стих: Госпóдь воцарíся,
в лéпоту облечéся.

Воскрéсшему из мёртвых, и просветíвшему вся́,/ приидíte
поклонímся:/ от áдова бо мучíтельства нáс свободíл ёсть,/

сво́им триднёвным Воскресе́нием живо́т на́м дарова́вый, // и ве́лию ми́лость.

Стих: Ибо утверди́ вселенную, /
я́же не подви́жится.

Во а́д соше́д, Христе́, сме́рть плени́л еси́, / и триднёвен
воскрёс, на́с совоскреси́л еси́, / сла́вящих Твое́ всеси́льное
воста́ние, // Го́споди Человеколю́бче.

Стих: До́му Твоему́ подоба́ет святы́ня, Го́споди, /
в долготу́ дний.

Стра́шен яви́лся еси́, Го́споди, / во грóбе лежа́ я́ко спя́: /
воскрёс же триднёвен я́ко си́лен, / Ада́ма совоскреси́л еси́ зо-
ву́ща: / сла́ва Воскресе́нию Твоему́, // Еди́не Человеколю́бче.

Канонарх: Слава и ныне, глас 4. Сла́ва Отцу́, и Сы́ну, и Свято́му Ду́ху.

Лик: И ны́не, и прісно, и во ве́ки веко́в. Ами́нь.

Пособи́вый, Го́споди, крóткому Дави́ду / победи́ти инопле-
ме́нника, / ве́рным лю́дем на́шим спобо́рствуй, / и ору́жием
Креста́ низложи́ враги́ на́ша, / покажи́ благоутро́бне на нас
древни́я ми́лости Твоя́, / и да разуме́ют вои́стинну, я́ко Ты
еси́ Бог, / и на Тя наде́ющиися побежда́ем, / моля́щиися
обы́чно Пречи́стей Твое́й Ма́тери, // дарова́тися нам вели́цей
ми́лости.

Тропари

Глас 4: Богоро́дице Де́во, ра́дуйся, благода́тная Мари́е,
Госпо́дь с Тобо́ю, Благослове́нна Ты в жена́х и благослове́н

Плод чрева Твоего, яко Спаса родила еси душ наших. **(Дважды)**

Тропарь Креста. Глас 1:

Спаси, Господи, люди Твоя, / и благослови достояние Твое, / победы православным христианом на сопротивныя даруя, // и Твое сохраняя Крестом Твоим жительство.

Воскресная утренняя (приходская)

«Бог Господь»

Тропарь воскресный глас 7

Глас 7: Разрушил еси Крестом Твоим смерть, / отверзл еси разбойнику рай, / мирно́сицам плач преложил еси, / и апостолом проповедати повелел еси, / яко воскресл еси, Христе́ Бо́же, / даруяй миру // велию милость. **(Дважды)**

Слава Отцу́, и Сыну, и Святому́ Духу.

Тропарь Креста, глас 1

Спаси, Господи, люди Твоя, / и благослови достояние Твое, / победы православным христианом на сопротивныя даруя, // и Твое сохраняя Крестом Твоим жительство.

И ныне, и присно, и во веки веков. Аминь.

Глас 1: Гавриилу вещавшу Тебе́, Де́во, радуйся, / со гласом воплощашеся всех Влады́ка / в Тебе́, святем киво́те, / якоже рече́ праведный Дави́д, / явилася еси́ ширшая Небес, / поносивши Зиждителя Твоего́: / слава Всельшемуся в Тя; /

15 марта 2026. Неделя 3-я Великого поста, Крестопоклонная.

сла́ва Проше́дшему из Тебе́; // сла́ва Свобо́дившему нас
Рождество́м Твои́м.

Чтение Евангелия

Диакон: Во́нмем. Премúдрость. Во́нмем.

Прокимен воскресный, глас 7

Диакон: Прокимен, глас 7: Воскресни́, Го́споди Бо́же мой, да вознесётся рука́ Твоя́, / не забúди убо́гих Твои́х до конца́.

Лик: Воскресни́, Го́споди Бо́же мой, да вознесётся рука́ Твоя́, / не забúди убо́гих Твои́х до конца́.

Диакон: Испове́мся Тебе́, Го́споди, всем се́рдцем мои́м, пове́м вся чудеса́ Твоя́.

Лик: Воскресни́, Го́споди Бо́же мой, да вознесётся рука́ Твоя́, / не забúди убо́гих Твои́х до конца́.

Диакон: Воскресни́, Го́споди Бо́же мой, да вознесётся рука́ Твоя́,

Лик: не забúди убо́гих Твои́х до конца́.

Диакон: Го́споду помóлимся.

Лик: Го́споди, помíлуй.

Молитва перед чтением Евангелия

Священник: Я́ко свят еси́, Бо́же наш, и во святы́х почи́ваеши, и Тебе́ сла́ву возсыла́ем. Отцу́ и Сы́ну и Свято́му Ду́ху, ны́не и прíсно и во ве́ки веко́в.

Лик: Ами́нь.

Диакон: Всякое дыха́ние / да хва́лит Го́спода.

Лик: Всякое дыха́ние / да хва́лит Го́спода.

Диакон: Хвалите́ Бо́га во святы́х Его́, хвалите́ Его́ в утвер́жении си́лы Его́.

Лик: Всякое дыха́ние / да хва́лит Го́спода.

Диакон: Всякое дыха́ние

Лик: да хва́лит Го́спода.

Диакон: И о сподобитися нам слышанию святаго Евангелия Господа Бога молим.

Лик: Господи, помилуй *(трижды)*.

Диакон: Премудрость, прости! Услышим святаго Евангелия.

Священник: Мир всем.

Лик: И духови твоему.

Диакон: От Иоанна святаго Евангелия чтение.

Лик: Слава Тебе, Господи, слава Тебе.

Священник: Вонмем.

Евангелие от Иоанна, зачало 63. Евангелие воскресное 7-е. (Ин.20:1-10)

Во время оно, во едину от суббот Марія Магдаліна прииде заўтра, ещё сўщи тме, на гроб, и вїде камень взят от гроба. Течє ўбо и прииде к Сїмону Петру и к другому ученику, егоче любляше Исус, и глагола има: взяша Господа от гроба, и не вем, где положиша Его. Изыде же Петр и другий ученик и идяста ко гробу. Течаста же оба вкупе, и другий ученик течє скорее Петра и прииде прєжде ко гробу, и приник вїде рїзы лежаша, обаче не внїде. Прииде же Сїмон Петр вслед егоча, и внїде во гроб, и вїде рїзы едїны лежаша и сударь, иже бе на главє Егоча, не с рїзами лежашь, но особь свит на едїном мєсте. Тогда ўбо внїде и другий ученик, пришєдый прєжде ко гробу, и вїде и верова. Не у бо ведяху Писания, яко подобает Ему из мєртвых воскреснути. Идоста же паки к себе ученика.

Лик: Слава Тебе, Господи, слава Тебе.

Стихиры по 50 псалме

Слава Отцѹ, и Сынѹ, и Святому Дѹху.

Глас 8: Покаянїя отвєрзи ми двєри, Жизнодавче,/ ўтренюет бо дух мой ко храму святому Твоему,/ храм носяй телєсный весь осквернєн:/ но яко щедр, очїсти/ благоутрєбною Твоею мїлостїю.

И нїне, и прїсно, и во вєки векѡв. Амїнь.

На спасения стези наста́ви мя, Богоро́дице,/ стúдными бо
окалях ду́шу грехми́,/ и в ле́ности все жити́е моё ижди́х:/ но
Твои́ми моли́твами/ изба́ви мя от вся́кия нечистоты́.

Таже, глас 6: Помилуй мя, Бо́же,/ по вели́цей ми́лости Твое́й
/ и по мно́жеству щедро́т Твои́х // очисти́ беззакóние моё.

Глас 6: Мно́жества соде́янных мно́ю лю́тых помышля́я ока-
янный,/ трепещу́ стра́шнаго дне сúднаго:/ но наде́йся на
ми́лость благоутро́бия Твоего́,/ яко Дави́д вопи́ю Ти:/ по-
ми́луй мя, Бо́же, // по вели́цей Твое́й ми́лости.

Канон

Песнь 1

Канон воскресен. Глас 7.

Ирмос, глас 7: Манием Твои́м/ на земный́ о́браз преложи́ся,
пре́жде удоборазлива́емое водно́е естество́, Го́споди:/ тем-
же немóкренно пешешество́вав Изра́иль, // поёт Тебе́ пёснь
победную́.

В Неделю Крестопоклонную. Глас 1.

Ирмос, глас 1: Божество́нейший прообрази́ дре́вле Мои-
сэй,/ в Чермнём мóри провед Изра́иля Кресто́м Твои́м,/ во́ду
жезло́м пресе́к,/ песнь Тебе́ исхо́дную // воспева́я, Христе́
Бо́же.

Песнь 3

Канон воскресен. Глас 7.

Ирмос, глас 7: В нача́ле небеса́ всеси́льным Сло́вом Твои́м утвержда́й,/ Го́споди Спа́се,/ и вседе́тельным и Бо́жиим Ду́хом всю́ си́лу их,// на недви́жимем мя́ ка́мени испове́дания Твоего́ утверди́.

В Неделю Крестопоклонную. Глас 1.

Ирмос, глас 1: Утверди́, Влады́ко Христé, Кресто́м/ на ка́мени мя́ ве́ры,/ не поколебáтися уму́/ прило́ги врага́ злаго́,// Еди́н бо еси́ Свят.

Песнь 4

Канон воскресен. Глас 7.

Ирмос, глас 7: Отча не́дра не оста́вь,/ и соше́д на зе́млю, Христé Бо́же,/ та́йну услы́шах смотре́ния Твоего́,// и просла́вих Тя, Еди́не Человеколю́бче.

В Неделю Крестопоклонную. Глас 1.

Ирмос, глас 1: На Крестé Тя, Си́льне,/ свети́ло вели́кое ви́дев,/ трéпетом взя́тся, лучи́ сопрята́в, скры́./ Вся же тварь воспé со стра́хом Твое́ долготерпе́ние,// и́бо испо́лнися земля́ Твоего́ хвалéния.

Песнь 5

Канон воскресен. Глас 7.

Ирмос, глас 7: Но́щь не светла́ невер́ным, Христé,/ ве́рным же просвещéние в сла́дости словéс Твои́х:/ сегó ра́ди к Тебе́ у́треннюю,// и воспева́ю Твое́ Божество́.

15 марта 2026. Неделя 3-я Великого поста, Крестопоклонная.

В Неделю Крестопоклонную. Глас 1.

Ирмос, глас 1: Утренююще, Тя воспевáем, Спáсе Щéдре,/ мир обрётше Крестóм Твоём,/ íмже обновíl есí/ род чело-вéческий,// к Свéту Невечérнему вводя нас.

Песнь 6

Канóн воскрéсен. Глас 7.

Ирмос, глас 7: Пла́вающего в молвé житéйских попечéний,/ с кораблём потопля́ема грехí,/ и душетлénному звéрю при-метáема,/ я́ко Ио́на, Христé, вопи́ю Ти:// из смертоно́сныя глубины́ возведí мя.

В Неделю Крестопоклонную. Глас 1.

Ирмос, глас 1: Óбраз Божéственного Крестá/ Ио́на во чрéве кíтове/ простёртыма длáньма проначертá/ и взира́ше, спа-сён от звéря// сíлою Твоёю, Сло́ве.

Песнь 7

Канóн воскрéсен. Глас 7.

Ирмос, глас 7: Пéщь óтроцы огнепáльну/ дрéвле росото-чáщу показáша,/ Едíнаго Бóга воспевáюще, и глаго́люще:// превозно́сímый отцёв Бóг, и препрослáвлен.

В Неделю Крестопоклонную. Глас 1.

Ирмос, глас 1: Из пла́мене óтроки избавлéй, плоть при́йм, пришёл есí на зéмлю/ и, на Крестé пригвождён, спасéние нам даровáл есí, Христé,// ед́н благословён, отцёв Бóже, и препрослáвлен.

Песнь 8

Канон воскресен. Глас 7.

Ирмос, глас 7: Неопáльная огню в Синаи причáщшаяся купина,/ Бóга яви медленоязы́чному и гугни́вому Моисéови,/ и óтроки ре́вность Бóжия три́ непребори́мая во огни́ певцы́ показá:/ вся дела́ Господня́ Гóспода пойте, // и превозносите во вся́ ве́ки.

В Неделю Крестопоклонную. Глас 1.

Ирмос, глас 1: Ру́це, в ров вёрженный львов, иногда́/ вели́кий во проро́цах/ крестообразно простёр Даниил,/ невреждён от сих снэди спасёся, // благословя́ Христа́ Бóга во ве́ки.

Песнь 9

Канон воскресен. Глас 7.

Ирмос, глас 7: Нетлэ́ния искуше́нием ро́ждшая,/ и всехитре́цу Сло́ву плóть взаимода́вшая,/ Ма́ти неискусому́жная Дéво Богорóдице:/ Приятелище Нестерпи́мага,/ Селó Невмести́мага Зижди́теля Твоего́, // Тя велича́ем.

В Неделю Крестопоклонную. Глас 1.

Ирмос, глас 1: О Ма́ти, Дéво и Богорóдице нелóжная,/ ро́ждшая безсе́менно Христа́ Бóга на́шего,/ на Крест возне́сшагося плóтию. // Тя, ве́рнии вси, досто́йно с Ним ны́не велича́ем.

Стихиры на хвалитех

Канонарх: Глас 7, Всякое дыха́ние да хва́лит Гóспода

Лик: Всякое дыхáние да хвáлит Гóспода. Хвалíte Гóспода с Небéс, хвалíte Егó в вýшних. Тебé подобáет песнь Бóгу.

Хвалíte Егó, вси Ангели Егó, хвалíte Егó, вся Сíлы Егó. Тебé подобáет песнь Бóгу.

Приводится вариант с приходским сокращением

На 6: Сотворíti в них суд напíсан, / сла́ва сия́ бۇдет всем преподóбным Его.

Канонарх: Хвалíte Бóга во святýх Егó.

Лик: хвалíte Егó во утвержéнии сíлы Егó.

Октоих, глас 7, Неделя на 2

Канонарх: Хвалíte Егó на силах Его, /
хвалíte Егó по мнóжеству величествия Егó.

Воскрéсе Христóс из мёртвых, / разрýш смёртныя ўзы: /
благовестí землé, рáдость вéлию, // пóйте Небесá Бóжию
сла́ву.

Канонарх: Стих: Хвалíte Егó во глáсе трýбнем, /
хвалíte Егó во псалтíри и гýслех.

Воскресéние Христóво вíдевше, / поклонímся свято́му
Гóсподу Иисýсу: // еди́ному безгрéшному.

Недели Крестопоклонной на 2, глас 4

Канонарх: Глас 4. Хвалíte Егó в тимпáне и ли́це, /
хвалíte Егó во стру́нах и оргáне.

Во глáсах восклíкнем, / в пёснях возвели́чим, / Крест чест-
ный облобызáюще, / и к нему́ возопи́м: / Крёсте всечéстне, /
освятí нáша дýши и телесá сíлою твоёю, / и от всякаго
врéда сопротивных соблюди́ невреждéны, // благочéстно
покланя́ющияся тебé.

Канонарх: Стих: Хвалите Его в кимвáлех доброгласных, хвалите Его в кимвáлех восклицания. /

Всякое дыхáние да хвалит Гóспода.

Приступивше почерпите неистощáемых вод,/ Крестá благодáтию проливаемых:/ се подлежащее видяще Древо свято́е,/ даровáний истóчник,/ напоённое крóвию и водо́ю Влады́ки всех,/ на том во́лею вознёсшагося,// и земны́я воздвигшаго.

Канонарх: Слава, глас 8.

Сла́ва Отцу́, и Сы́ну, и Свято́му Ду́ху.

Высокомудраго ра́зума злых фарисеев,/ всех Господь притчею убежати сегó научи́,/ и не высокому́дрствовати па́че,/ е́же подобáет му́дрствовати,/ всех наказá, прописáние и о́браз Сам быв,/ да́же до распя́тия и сме́рти,/ Сам Себе́ излияв./ Благодаряще у́бо с мытарём рцем:/ пострада́вый за ны, и безстра́стен пребы́вый, Бо́же,// от страсте́й нас изба́ви, / и спаси́ ду́ши на́ша.

Канонарх: И ныне, глас 2.

И ны́не, и присно, и во ве́ки веко́в. Ами́нь.

Преблагословенна еси́, Богородице Де́во,/ Вопло́щшим бо ся из Тебе́ ад пленися,/ Ада́м воззва́ся,/ кля́тва потребися,/ Е́ва свободися,/ смерть умертвися и мы ожихом./ Тем воспева́юще, вопиём:/ благословен Христо́с Бог,// благоволи́вый та́ко, сла́ва Тебе́.

Чин выноса Креста

Священник поднимает Крест на голову, исходит из алтаря северной дверью и становится на амвоне. Ему предшествует диакон, который кадит Крест.

Священник: Премудрость, прости.

Лик: Спаси́, Го́споди, лю́ди Твоя́,/ и благослови́ досто́яние Твое́,/ победы́ правосла́вным христиа́ном на сопроти́вныя да́руя,// и Твое́ сохраня́я Кресто́м Твои́м жи́тельство.

(Трижды)

Священник полагает Крест на аналой в центре храма, затем трижды вокруг кадит его.

Поклонение Кресту

Духовенство вместе с народом: Кресту́ Твоему́ покланя́емся, Влады́ко,/ и свято́е Воскресе́ние Твое́ сла́вим. *(Трижды, в конце каждого пения тропаря совершается земной поклон)*

Лик: Кресту́ Твоему́ покланя́емся, Влады́ко,/ и свято́е Воскресе́ние Твое́ сла́вим. **(трижды)**

Лик поет стихиры на поклонение Кресту. В это время люди подходят, кланяются Кресту и целуют его; на практике настоятель совершает помазание елеем.

Глас 2: Прииди́те ве́рнии,/ животворя́щему Дре́ву поклони́мся,/ на нёмже Христос́ Царь сла́вы во́лею ру́це распросте́р,/ вознесе́ нас на пе́рвое блаже́нство,/ ихже пре́жде сла́стию укра́д враг,/ изгна́ны от Бо́га сотвори́./ Прииди́те ве́рнии, Дре́ву поклони́мся,/ имже сподо́бихомся невиди́мых враг сокруши́ти главы́./ Прииди́те вся отечества́ язы́к,/ Крест Господень пёсньми почти́м:/ ра́дуйся Кресте́, па́дшаго Ада́ма соверше́нное избавле́ние!//

О тебе вѣрнии хвалятся,/ яко твоєю силою исмаильтеския люди державно покаряющи./ Тебе ныне со страхом христиане целуем:/ на тебе пригвоздившагося Бога славим, глаголюще:/ Господи, на том пригвоздивыйся, помилуй нас, // яко Благ и Человеколюбец.

Глас 8: Днесь Владыка твари, и Господь славы,/ на Кресте пригвождается и в ребра прободается,/ желчи и оцта вкушает, сладость церковная,/ венцем от терния облагается,/ покрывая небо облаки,/ одежду облачится поругания,/ и зашатается брэнною рукою,/ рукою создавший человека./ По плещема биен бывает,/ одевая небо облаки./ Заплевания и раны приемлет,/ поношения и зашения,/ и вся терпит мене ради осужденнаго,/ Избавитель мой и Бог, // да спасет мир от прелести, яко благоутробен.

Слава Отцу, и Сыну, и Святому Духу.

Глас 8: Днесь неприкосновенный существом,/ прикосновен мне бывает,/ и страждет страсти,/ свободая мя от страстей./ Свет подавая слепым,/ от беззаконных устен оплевается,/ и дает плещиза плененныя на раны./ Сего Чистая Дева и Мати на Кресте зрящи,/ болезненно вещаше:/ увы мне Чадо Моё,/ что сие сотворил еси?/ Красный доброту паче всех человек,/ бездыханный, беззрачный являешия,/ не имея вида, ниже доброты./ Увы Мне Мой Свете! / Не могу спяща зрети Тя,/ утробу уязвляюся,/ и лютое оружие сердце Моё проходит./ Воспеваю Твоя

страсти,/ покланяюся благоутробию Твоему,/
Долготерпеливе слава Тебе.

И ныне, и присно, и во веки веков. Аминь.

Глас 8: Днесь пророческое исполнися слово,/ се бо покланяемся на место,/ идеже стоясте ноге Твои, Господи,/ и Древа спасения вкушивше,/ греховных страстей свободу улучихом,// молитвами Богородицы, едина Человеколюбче.

Стихира евангельская 7-я

Канонарх: Слава и ныне, глас 7: Слава Отцу и Сыну и Святому Духу,

Лик: и ныне и присно и во веки веков. Аминь.

Се тьма, и рано,/ и что у гроба, Марие, стойши,/ многую тьму имевши в разуме,/ в нейже, где положен бысть вопрошаеши, Иисус?/ Но виждь срищущаяся ученики,/ како плащаницами и сударем воскресение обретоша,/ и помянуша яже о сих Писания./ С нимиже и имиже и мы веровавшие,// воспеваем Тя Жизнодавца Христа.

1-й час

Тропари

Тропарь воскресный, глас 7

Разрушил еси Крестом Твоим смерть,/ отверзл еси разбойнику рай,/ мирносицам плач преложил еси,/ и апостолом проповедати повелел еси,/ яко воскресл еси, Христе Боже,/ даруяй миру/ велию милость.

Слава Отцу, и Сыну, и Святому Духу.

15 марта 2026. Неделя 3-я Великого поста, Крестопоклонная.

Тропарь Крестá, глас 1

Спаси́, Го́споди, лю́ди Твоя́,/ и благослови́ достоя́ние Твое́,/ победы́ правосла́вным христиа́ном на сопроти́вныя да́руя,/ и Твое́ сохраня́я Кресто́м Твои́м жи́тельство.

Конда́к Неде́ли крестопокло́нныя, глас 7

Не ктому́ пла́менное ору́жие хранит врат Еде́мских,/ на ты́я бо найде́ пресла́вный соу́з дре́во Крестное́,/ сме́ртное жа́ло и а́дова побе́да прогна́ся,/ предста́л бо еси́, Спа́се мой, вопи́я сущим во а́де:/ вни́дите па́ки в рай.